

書

僑吳集序

遂昌鄭明德先生天資明敏高出倫輩其
生於杭於書無不讀作為文章抑揚頓挫
反覆開闢一主乎理而氣以摠之若長江
大河流衍滂沛汨々數千百里而終歸之
溟渤綽有古作者風既壯來僑於吳比老
乃彙其所作之文曰僑吳集授徽曰吾在
杭亦嘗有作茲僑吳久而作之為多故名



爲子實見而知之者宜爲序之徽不敢辭
庸復於先生曰先生固僑於吳矣夫吳東
南之一都會也山有庠阜靈巖之勝水有
三江五湖之饒而遺臺故苑舊家甲第仙
佛之宮叅錯乎城郭之內外民俗富而淳
財賦強而盛故達官貴人豪雋之士與夫
羈旅逸客無不喜遊而僑焉其僑何如不
過即其山川風物之美觴詠娛嬉以各適

其所樂而已烏有如先生之僑寓哉先生
以吳乃讓王之封國而子游北學於孔子
與聞堯舜禹湯文武周公之道得聖人一
體爲文學稱首其流風餘韻未泯也斯其
所以僑焉者正欲以聖賢之道資進脩之
益耳豈徒藉乎山川風物以爲觴咏娛嬉
之適而止耶則先生之僑異乎人之僑也
已惟其異乎人之僑所以發而爲文亦有

以異乎人也雖然文豈易言堯克舜禹湯
文武周公之文禮樂政治皆是也蓋其道
之充乎中而其發於外者無非文如天之
有氣則有日月星辰之光輝如地之有形
則有山川草木之行列文實道之顯不可
岐而二之也何子游之所以為學絕諸子
各以所見著書是不獨文與道二而道之
裂也已無有純全者惟董仲舒氏曰正其

誼不謀其利明其道不計其功揆其行事
不戾斯言可不謂其文與道一者乎而韓
愈氏曰所志於古不惟其辭之好其道
焉耳是亦知夫道之與文不可二矣然以
實而考之則其文固未能一出於道至歐
陽脩氏蘓軾氏曾鞏氏文非不能為也豈
能與道弗二乎文而一出於道惟周程張
朱數君子焉觀其易通易傳正蒙本義等

書簡妙精切不惟輔翼聖經而幾可與之
並由其得孔孟不傳之學故能若是豈嘗
拘々學為之文哉徽竊聞先生嘗以文師
承於金華石塘胡公四明剡源戴公此二
公學群聖賢之道者也其所以授于先生
洎先生所自得有蘇曾諸氏之文而不失
程朱數賢之道々未必不寓乎文々未嘗
不載夫道文與道則一而子游之所以為

學者亦在其中矣奚必果僞於吳而后有
所得也哉第假是以名編爾徽生也後誠
吳人也父祖以上居吳累世矣然於道詎
有所聞而文亦莫之能措於先生豈弗甚
可愧姑從命強顏為之言是集也為古今
詩銘箴贊題書疏序記碑誌總若干篇章
十有二卷於戲有道之文當傳之天下豈
獨吳執

序
至正二十年歲庚子仲秋望吳後學謝徽

僑吳集目錄

一卷 四言古詩 五言古體 五言古聯句_{二首}

旌表孝義金門 三節堂

登鴻山吊梁伯鸞 可齋

蘭 為李繹如悼妻

春暉樓 以上四言古詩

擬古五首 出塞七首

寄張仲敏 辱陳敬初枉顧

贈譚臺史 仙山樓觀圖

久旱得雨 送楊郡傳

與張天雨遊虎丘

贈張生

胡古愚南歸

張彥冲北上

送劉長洲

松軒

高節樓

宴顧氏芝雲堂

過清樾軒

登吳興道場山

蘓公潭

遊鴻禧廢寺

送俞漕掾

憫農送張邑丞

鶴巢

送友還鄉

賦採香徑

遊惠山寺

山雪齋

月鏡

金蓬頭

贈姚尊師

贈哲上人

馬氏祖塋圖

山居

凌波仙

寄鄴馬二友

竹夫人以上五言古詩

學詩齋聯句一首

二卷 七言古風

姑蘇臺

夏駕湖

吳桓王墓

岳鄂王墓

古墻行

吊劉龍洲墓

謝李長司

長孫后免冠圖

東坡遊赤壁畵

温日觀葡萄

贈強教諭

送范子方

贈達長司

送顧定之

贈顧明則

古書行

龍香行

相地余君祥贈言

舒伯洪任晉陵

韓玉温之闕

送汪秀才

趙松雪畫

趙仲穆画

李龍眠唐馬

冬日海棠

王元章梅

顧定之行

黃子久山水

贈王允同

送俞教授之杭

送俞粹元

送李運使海漕

寄蕭總戎

送劉朝章同知

題張伯雨別卷

重題温日觀葡萄

師子林

送珩書記

送顏陋隱

林玄卿歸永嘉

送聰首座

贈日本僧

夷僧寫蘭

鍾馗部鬼畵

馗妹畵

謝自然像

花蝶謠

贈筆工沈日新

趙千里畫扇

索趙善長畫

崇碧軒

漁莊

梅隱

賦玉山佳處

湖光山色樓

雲山高隱齋

江山風雨圖

鄭禧之古木

鈎勒竹

題梅為人壽

天台山齋

芭蕉菴

楊妃上馬齋

九馬齋

王時進梅屋

芝雲堂

畫

除夕

三卷 長短句體

張御史死節歌桓

孝感行

天師大道歌

碧海謠

送水善宣監

齋策吟

李早馬圖

離鸞曲

題桐華烟卷

贈薛相士

贈翰古清

巖栖仙人歌

檳榔木拄杖歌

松風吟

自怡歌

悲歌寄呈諸公

李遵道海岳齋

趙松雪人馬

黃公望山水

活死人窩

送僧遊徑山

雪巢

畫玉山草堂

松雪馬

高房山竹

倪元鎮木竹石

沈仲說畫樹石

稽康柳下鍛畝

捕魚圖

四卷 五言律 排律

七言律

送何學正

送蒙古教授

送白主簿

次韻贈趙伯容

寄張宣慰

貞逸處士

送陸秀才

岳夫人輓歌

朱澤民畫

贈高生

送范山長

崑山石

虞雍公誅蚊賦

遊耕漁軒

次韻宋春卿

挽章德懋

贈薛相士

送何景文

東雪軒 以上五言律

飛龍亭

送徐山長勉之

送李舉人克明

送稽洞玄

輓錢翼之

挽虞彥高

送劉廷美

送楊季常

挽潘祥卿

丁夫人悼詞 以上五言排律

奉柳太常道傳

送貢司業泰甫

送泰兼善總兵

寄蕭元帥

送許具瞻

寄潘子素

次韵碩仁夫

贈顏子中

寄揚士可

蔡孝子廬墓

錢道士游仙

栖碧亭

芸齋

園隱

姚秀才為道士

天平魏公祠

靈岩涵空閣

送樂昂儀歸東平

送季山甫教諭

和宇文子貞

送林道士歸溫

遊嘉定道院

春寒

送葛秦差赴閩

廬山圖

題程表妻墓碣

陳母張安人輓詞

挽楊九玄

賓月樓

知音亭

聽雨樓

茶屋

鶴齋

寄顏元卿

寄泰兼善

和吳宗師寄貞居

和薩天錫留別

賀吳宗師壽

壽達郎中

王季野北歸

歲暮感事以上七言律

五卷 七言律 排律

花魏公祠

龍門

天池

寄鄭長卿名元

壽李廉使

寄于彥成

送郝遵道北歸

春日湖上有感

次韻錢伯行遊仙

送章心遠入閩

送劉宗師

送劉年基

寄張貞居

簡張仲舉

送錢思復之東嘉

贈柯敬仲

喜雪

釣月

梧桐月

送李秀才

贈朱君復

送白治中

挽貞惠公

題大滌洞郎師房

寄趙祭酒

題海運官卷

謝惠饋肉

挽王本齋大叅

書靈飛經

簡金伯祥

贈張月庭

寄剛中

送張貞居還茆山

游仙

杭州即事

元宵懷錢唐

送蕭萬戶

和成居竹

次韵荅玉山

贈岑醫士

寄干壽道

送唐學錄

送任訓導

送毛彥昭

送沈仲說

石抹萬戶哀挽

翠雨亭

楊鉄厓書畫船亭

張伯雨精舍

復見心山房

趙尚書小瀛洲

題曹松廷家譜

雲槎

次沈存齋見寄

送于壽道知州

送楊季民

送李秀才鄉試

挽陳艸方

贈張景亮

春遊石湖

遊支硎南峯

送方養遊茆山

貞居亩宿寫圖

初度

潘總戎征回

送蕭萬戶

次倪元鎮見寄

元鎮画

贈篆刻生 以上七言律

送達兼善秘書

送吳平章

送林照磨

野秀堂

綠陰亭

周左丞玉雪坡

俞石澗讀易處

渡江

書畫舫小集

橘隱

寄楊彥遠

挽牟縣丞

送銛仲剛 以上十三首排律

六卷 五言絕句 七言絕句

石湖十二詠

懷王敏德

懷岳漢陽

寄張景昭

朱澤民山水

謝僧送茶

兵生竹

陳正孚画

高彥敬畫

過九里寺

李遵道竹

陳搏像

雲林小景

王元章梅

子昂蘭

子固水仙

柯敬仲竹

子庭古木

雪窓蘭 以上五言絕

懷徐士弘

懷張天民

貞居神光樓看雨

贈筆生

寄王荆明

寄光孝

陶靖節像

謝太傅像

寄金山普衲

画

肥瘦一馬

蕞竹

遊魚

文山佩刀帖

子昂臨東坡竹

東坡笠屐畵

伏生授經畵

蘇武牧羊畵

岳王廟

武侯像

讀碑圖

月夜懷十五友

送張貢士

送處州何同知

贈治農丞

寄顏完卿

寄王可矩

寄沈存齋

寄倪雲林

漢川亭

虞學士小像

郭天錫画

朱澤民画

次泰監司

寄宇文國相

寄貢授經

送陳公礼

送何舉子

送僧還開先

贈曹相士

陸仲明卜養

顧定之竹

王元章梅

虞勝伯竹

館娃宮畵

揩癢馬畵 以上七言絕

七卷 銘 箴 贊 題 跋 書 疏

吳縣學門銘 世壽堂銘

石子硯銘 周尹堂硯銘

進道齋箴 近思齋箴

韋臯銅像贊 張吳令像贊

俞仲溫像贊 孫高士像贊

蘭渚生像贊

題瑞竹堂記 題諸體帖

題雪擁藍闕齋 題真如十三寶記

題袁通甫詩 題石澗書隱記後

題兩位所表 題良常草堂卷

題薛真人誄 題復見心行卷

跋大戴禮 跋聚星樓卷

蘇文忠公察恕帖跋 跋雲笈七籤卷

與張德常書 與杭州宣差書

與干壽道書 与牟景陽書

寄張元明書 上達監司書

再奉監司達白野書

雍公賦刻石疏 募建岳王祠疏

薦故元帥達公亡疏

八卷 序

思賢錄序

荆南倡和序

送丁希元序

送倪中愷序

送顧定之序

送王季楚序

送蕭天祥序

送呂惟清序

送趙克上序

送徐元度序

送牟伯魯序

送岳季堅序

贈張從善序

贈卞宜之序

送楊季民序

贈李憲僉序

送李漕府序

送張同知序

送岳山長序

送方學錄序

鴻山楊氏族譜序

沈祖母壽序

祈晴有應序

送周鍊師序

送徐尊師序

送初上人序

九卷 記

吳郡新築城記

重修府儒學記

海鹽州學興建記

長洲縣儒學記

文正書院記

重建和靖書院記

穎昌書院記

甘泉祠禱雨記

伏蛟臺記

周玄初來鶴記

白鶴觀祠堂記

福山東嶽廟記

泗洲寺記

順心菴記

立雪堂記

掛蓑亭記

巢雲樓記

純素齋記

虛白室記

趙州守平反冤記

十卷記

藏書樓記

德聚堂記

宜遠樓記

芝秀軒記

松石軒記

春暉堂記

東生堂記

壽梅軒記

心遠堂記

存雅齋記

止齋記

陋隱記

懶齋記

瞻雲軒記

聰雪齋記

芝雲堂記

讀書舍記

昭肆齋記

停雲軒記

白雲海記

瑞竹記

王氏彝齋記

貞節堂後記

玉山草堂記

清江一曲記

溪山勝槩樓記

十一卷碑

忠孝感惠顯聖王廟碑 重建岳鄂王忠烈廟碑

平江總管道童公去思碑

海道都漕運邊公遺愛碑

長洲達魯花赤元童君碑

海道萬戶燕只哥公政績碑

海道都漕運和尚公政績碑

重建路漕天妃宮碑 元普應國師道行碑

石樓鄭氏先德碑 許昌馮氏先塋碑

十二卷 行狀 哀詞 墓誌銘

元故昭文館大學士柱國中國文懿公湯陰岳公行狀

元故水南王先生哀詞

張提領墓誌銘 李處士墓志銘

李信菴墓志銘 陳慎獨墓誌銘

王處士墓誌銘 平江總管張公壙志銘

普郎中墓志銘 白雲處士墓碣

畚山老人墓誌銘 虞處士墓碣銘

陳天倪墓志銘 張子昭墓誌銘

陸氏壙誌銘 金母沈媪墓志銘

僑吳集目錄終

僑吳集卷之一

括蒼鄭元祐明德著

四言古詩

旌表孝義金門

出吳東門云：其水傳陸以居，居民擲齒不有孝義衆，何所
 恃孝義伊何曰維金氏百五十禩業儒循軌事親養志同氣
 敬順兄掌家鑰弟秉文印不矜而譽不言而信里舉鄉推事
 騰于朝用旌其門以闡教條張書扁式與表邇遠守臣樹聲
 加示慶典坊名孝義大厥里門彰善瘴惡周書具存吳固沃
 土才隳于撫風頽俗靡事尠儼古求若孝義幾何其心堪繼
 公藝價重南金克孝克義我謠我歌借耋閱墻敦化猗那

高昌侯三節堂

惟天啓僕產自瀟水潤被北庭侯濟厥美挺事昌朝忠武罕
比戡金平宗策審功侈入毗廟堂黔黎安只蠻酋歎獷侯轅
南指忠憤踴躍奮莫顧已忠誠貫天白虹觸起孱、孤發哭
侯孔哀誓死靡他夫人貞哉貞哉夫人夫死兒乳教兒能孝
父志在汝齒方成童母病弗療到肱和糜人孰兒詔彼美至
性移孝而忠撫字列城繼侯英風侯既有子且復有孫、皆
讀書益大侯門相繼掇科荐承寵光侯其來歸英爽樂康子
佩金符孫縈紫綬世訝其隆侯植之厚三節一貫何有夷險
協子王風永配令典

可齋

大哉宣聖以詩教我興觀群怨皆與曰可誠焉是學感發志
意善、惡、庶全美刺詩人得失於焉考見妍媸在已反省
毋眩和以處衆不至於流設使雷同其道亦繆懲創羞惡中
惟一致溫柔敦厚慎勿暴氣用以事親孝哉有子移以為忠
曾不越此鳥獸草木名類匪一惟薦學問旁資多識是我宣
聖以詩設教下逮百王是則是效嘉子嗜學尤勤於詩以可
名齋義寔在茲六義具存既殫源委以詠以歌性情斯理

登鴻山弔梁伯鸞

我以飢驅爰求樂土注意山栖茲非其所敬吊夫子願嗣德

音隼棲擇高魚游擇深夫子當時五噫謳吟出都接浙咲擲
華簪歸隱杵臼傭力是任配諧德曜雖、鼓琴上窺羲軒以
樂此心以樂此心儷古傲今而我肱折罔知適從蠅附以驥
莛骨以松式依夫子娛老考終優哉悠哉歌以相春

蘭

協以鼓琴世誰知音采呂紉佩湘江水深蘭生棘中如石韞
玉、受不瑳幽香滿谷

為李繹成悼其妻馮氏

彼美者媛令姿靜泚姆教在擊懿範端肅擇配哲士聞望右
族讀書思榮焚膏繼晷媛來主饋克承夫志載緝載紉裳衣
及涕洟人孰無婦、賢而睽永懷弗諼爰形聲詩

春暉樓

陽春有暉泛在物表寸草承之弗問其小春暉熙、彼草離
離區萌就質芘、茂斯詩人載歌悉物之情子於父母恩莫
與京親恩之大春陽之溥子心如草膚寸思補爰構重屋以
奉父母以介眉壽其樂訃、旨甘滫髓奉親之常寸草之微
那報春陽孝子愛日孝子養志敬親之枝勿蹈非禮揚親之
譽悠久不已是謂可報寸少春暉萬一攸在吾祈與歸

五言古體

擬古五首

北辰衆星宗列宿環共之斗杓指其方生始悉所資萬卉春
茂至秋悴如期蠢動因弗然闢翕啓閉隨靜觀造化理在
人豈其遺君象實有類萬古成網維

仲尼去云遠吾道日以微達士忘賤貧佞人紛是非時態良
弗古乃致媿事希末路欲忘言屏跡避危機桐江有垂釣首
陽有采薇清風蓋一世舍此其安歸

大道本常在為士者弗由窮居嘆時邁逐世竟悠悠豪強互
吞劫雄智復相尤遂令務夸詐攘竊何時休所貴者仁義勢
利焉足謀懿教信遠矣民風此其媮默掩幽室感之紛淚

流

春來桃李華秋榮菊與杞豈但物性殊造化之所使人生類
如斯通塞固其理苟識吾性誠隱顯良有以

委身竹素間義理費考尋截業泰華高浩瀚滄溟深涉之遠
無津舉之力難任不如反諸已求諸聖賢心成湯警日新大
禹惜寸陰紛拏試屏絕請鼓無絃琴因之忘肉味太古寥々
音

出塞七首效少陵

已踰烏磬山未涉狐奴水飢羸形骸黑枕戈待明起將軍方
蹋踰天地入馬箠吾儕亦何人一死等蝼蟻

秦時問左戌漢家弛刑徒髑髏棄瀚海天陰哭鳴：我非望
生還魂魄迷歸途但願弋矢利委身斷狂胡吁嗟載筆書不
紀萬骨枯

受詔武臺宮西遮鈎營道扼虎射命中相從願深討躡血焚
龍庭以功當橫草平沙列部伍鮮整旄與葆奚慮蛇豕繁一
鼓撓搶掃歸取萬戶侯歲月未云老

精吞天山雪衣裂青海風前行幾千里不見單于宮走馬脫
轡頭所恃五石弓鄉井豈不懷簡書戒命洪黃塵觸壘起勇
奮奔豨熊鈇刀異莫邪所覩一割功

騎羊五歲兒出沒區脫中翻身異鳥鼠快捷如飛鴻生理不

土著水草無豐凶一戰那足平燕然方勒功

烽烟邊上發塞鴈群南翔仰睇冥：天風緊雨雪霜驅馬上
厓谷悲笳咽雲黃棄絕骨肉親詎弗懷故鄉軍聲動劍戟砲
火燒衣裳鞠育非寘恩道遠不得將吞咽復何憤思虜其名

王

邊塵暮猶黑鬼燐出霜草展戰圖報國寧慮骨枯槁人生無
百年一斃不待老但願土境富微軀奚足道勲業銘旂常秋
天氣同香

寄張仲敏

子居闔閭城有屋蔽風雨心融詩書澤口斲兒女語客庖婦

供饌茗竈手自鬻外屨多弗却束脯乾可茹如何舍之去晝
墮綠棟鼠朱門盍華簪青冥無凡羽已隨鳳鳴岡尚感鴈遵
渚於以見貞操屯貞貴能處

仲春六日辱陳敬初諸君枉顧小飲弊樓分得靜字

葱肆不嗅葷華門惟習靜何此枉飛佩諸君森相映方慙乏
詞鋒安知墮語穽酒杯淺於臍樓居小如磬敢云諧譁歡遂
忘跪跽敬飛花落硯席輕雲拂塵柄舍坐或屢舞分題各成
詠莫非江海士行應立園聘願我拓飛蓬更春不復盛假如
湛誠痴何嫌憲非病相會苟不樂明朝雪盈鏡

贈譚臺史

高昌佳公子氣橫海岳秋玉壺洗零露錦機濯芳洲真致埃
埽外獨與神明遊岵堯鳳皇臺日晏行雲愁帝念南紀大建
臺分顧憂列聖耳目寄職斯布皇猷誰工古人學可叅憲臣
謀之子被辟命束書上昇州煌煌三台星列宿莫敢儔而子
妙折旋婉變通衿喉不居世祿懿遠慕儒術優先正高與馬
德音皆可讐骨朽名不泯耿光縣斗牛子能勗令聞席珍重
天球况復五彩筆盡意工冥搜飛花落碁局弱柳維江舟感
此時物佳念子何能休龍駒少汗血駑馬老益羞白雪高莫
和青山曉加稠日沒烟樹遠重倚城南樓

仙山樓觀圖

嗟我三神山仙聖之所居芝草布庭闕霞光电衣裾渴飲碧玉漿飢食紫琳腴霓旌冉冉下彤樓擁鸞輿青童啓藏室帝命較寶書齊心始能讀字字皆玄樞朗詠以相授靈風舞神魚天遠靡得聞何以能啓予空嗟珊瑚日照耀金芙蓉

久旱得雨

望秋侶即鹿以旱同無虞忽殄蘊蟲屏翳騰龍魚乃合霖霖雨涼氣吹鬢須未必便滂沛且掩羲和車高田土生煙稿禾仍盼蘓澤陂未萎稻引根勿躊躇一或薦清廟猶與豐年俱憶昨歲巨浸流潦恒滿衢庶士宅一廛下農田一區彼此竈產鼯潭蛟為飢驅至今殍死鬼夜哭其廬竭來獲一飽

焉知陰慘舒焦原赤欲燒政不妨官租民輸諒有幾廩收長有餘盜臣被華袞我口何由糊悲歌等慟哭激烈誰非夫

送楊郡博赴任上饒

廣信山水郡齋宮淨含暉陰松檜中白鷗時兩飛雨餘岩泉落清音叶鳴徽泮沼紫鱗躍講壇紅杏非藤蔓遶礪石新綠羅成幃諸生繡紵坐子衿間褒衣格言咀芳潤奧理宣幽微凡陋當脫屣聖哲胥乘機遲師一指授仁風敞巖扉

與張天雨楊廉夫陳子平諸公遊庠立次東坡韻

昔吳有縣精茲立據其領前瞻埋金竈尚餘淬劍并簡書畏懷異星日發光耿干將不剗兕牡鞠豈禁鼃至今點頭石斷

非躍冶礦上機不由智大將寧論猛公剖儒釋緒便從康莊
聘詞鑿琬琰嚴聲抽轆轤哽掉鞅清靜海不墮生死項憶昔
此來遊六月佩旌冷山靈寶其躅歲月塵劫永我生若後時
惜此媚風景坐嘯嗟所見起舞顧其影箕尾橫青天有懷無
從請

附陳敬初同游和韻

吳王閔玄宮劍氣在茲領石留千人座泉迸百尺井逮公今
題墨潭光並耿雄章久變虎強聒不聞鼃荒短簿祠猶
復倚頑礦石磴極高下躋攀足力猛前瞻公留題天葩筆下
騁仙語不求似鬼詩空自哽譬之具區火玻璃寧計項自公
從請

贈張生

堂々金源公門墻多桃李根柢無淺深恩榮周遠迹張生事
公久最為公所喜折旋杖屨間唯諾圖書裏公承天子詔馳
傳將使指宵憂泣牛衣晝征麾馬蚤風飡郵亭庖露炊官署
米蹠躩趣裝騎紛綸割鮮匕

胡古愚南歸

胡君有佳兒純慤而靜者自君留詞掖思君不暫舍親老當

懸車迎之輦轂下喜親出都門徒跣控親馬祖道賓迭至別
盃酒更把官秩司旂常餞章宣風雅擊節想已屢知音誰云
寘婦途春水泮燒痕靈雨洒喜見江南山螺黛秀而野掛帆
香江潮卧聽灘聲瀉兒搆遠碧樓、成君歸也旦、候鵲喜
夜、卜燈炮出迎空里問驩聲振屋瓦婦增姑饌供孫將兒
衣擔整蠹理篇帙割鮮作脯鮓君歸樂如此令我空蹊蹊行
樂湏及時歲月難久假

張彥冲北上

堂、宛丘公高懷羅星斗明良之君臣尊嚴之師友皇經在
胄監而公為祭酒英材資樂育本公生物手麟趾瑞物呈胖

胎明珠剖覽輝鳳皇下擊劍龍虎吼自非學術純何以服眾
耦鄉公倚南紀積學富林藪青天珠璣唾一、化瓊玖公今
廟廊上我則牛馬走食貧覓撐腸禦臘衣露肘於烏識張生
嗜學不少苟自言家在汭外家讀書久今將入成均積分會
居首於時中吳道岸花雜汀柳風帆遂北上解纜星在留會
見生去後才名騰眾口為拜祭酒公桓榮漢廷叟上探群聖
祕下溉群物朽湏令腐儒喜行樂歌隴畝

送劉長洲

中吳號沃土壯縣推長洲秋糧四十萬民力罷誅求昔時兼
并家夜宴彈箜篌今乃呻吟聲未語淚先流委肉餓虎蹊于

今三十秋畝田昔百金爭買奮智謀安知徵歛急田禍死不
休膏腴不論直低窪寧望酬賣田復有獻惟恐不見收日覺
鄉香肥吏臺起高樓坐令力本農命輕波上漚天意憫困劇
南轅卯金侯：有萬金劑探囊令病瘳甃者起雀躍瘖者言
嘲啁坐令百里邑姦回息彫鏤是皆仁侯惠頌聲滿道周清
朝考功選賞典無滯留願侯登廊廟一洗蒼生憂

松軒為潘世毅追題其祖忠烈公卷

昔在世皇日潘侯如貞松聳身青雲表流潤翠百重迎寒保
金石遇雨翔虬龍枅拱夙所具匠氏仍相逢一洒鼎湖淚難
進秦山封仁者滋有後孫枝挺玄冬願繼歲寒節雨露日以

濃

高節樓

自古高節士無如嚴子陵客星耀寒芒歸隱不可徵婦人守
婦節之死矢不二以節加今名或順或婉懿舍是而曰高
豈在閨壺由名斯究實於義竊未穩袁母陳氏媪一邑稱泚
賢訓兕昌家基母老雪滿顛岩：高節樓枅拱絢雲日一賦
栢舟詩千古保貞吉

宴顧氏芝雲堂分韻得玉字

開士枉遙駕貞人啓華屋座接麈談素酒傾麟壺綠遠山橫
書幌飛花落棋局谷芳寄荃蕙夕陰留梧竹双絲夾鷓絃群

書閱魚目跡異心匪殊語契道難瀆接驩雖云暫後會詎可
卜離懷渺烟水遐音毋金玉

過沈仲說清樾軒

睠此龍伯國湖江白漫々路出洲渚上天垂葭葦端林樹茂
清樾浪花浮碧瀾烟消棟宇出露下場圃寬漁師自繩搨農
老仍衣冠隱侯有令德錢鏗富清歡楚音喜人至戟手勸客
餐酒行鶴獻舞飲具魚橫盤自稱禮法野所貴人情安江山
歲欲暮風露日以寒蘭佩香久歇蒯緱缺空彈懷君不暫置
於世何所干明發當復來壽盃為子乾

吳興道場山

道場古名利浮圖冠其山峯巒日星上棟宇雲霧間羅立千
柱宮欲亢九虎闕蘇公昔出守以齒鬢未班詩如九河奔留
列青嶺顏至今作虹氣夜電鏖神姦趙侯景蘓者水綠芙蓉
殷公餘繼咲詠暫可拋愚頑

蘇公潭

鳳舉不鍛翻龍騰不傷鱗由来貴顯者定異尋常人公昔令
烏程溺水已沒身河伯急扶出體完氣仍伸公後踐台鼎潭
名此其因山厚玄豹伏水清白鷗馴懷公莅立處雲木青綦
綦趙侯或公餘濯纓鑿淵齋

遊鴻禧廢寺聽舊僧心敬言

渡南已四葉繼統屬濟王祀國支地柱前星掩寒芒幃妍肇
乳晨奴謀肆鴟張兩潘為義激不顧百口戕起以奉其主近
在茗水陽天津幹斗杓海底洗日光人非霍狄儔誰是涉險
航聞其被戮時母老兩鬢霜吐辭語觀者令人殊激昂吾見
宋忠臣雖死猶不亡至今草間燐熒、出幽房北城鴻禧寺
棟宇自蕭梁兩潘舉義日俾眾聽鐘撞哀梵城門火遽遺池
魚殃遂指寺逆地瀦宮示非常田斷飭僧粥爐冷供佛香金
像久頽剝青苔重悲涼仰懼杵拱墜俯歎榛莽長殘僧四五
人飢用篋束腸敬也業尤白宴坐不下堂家本蜀楊氏能言
寺之詳補苴罄衣鉢創巨醫難良更今百廿年我來重彷徨

潘忠世莫雪寺廢人弗傷天高莫之訴題詩空慨慷

送俞漕掾

鄉年子胡子在杭客僧坊褐衣冷不絮雉竈突不煬直言迅
風霆勁氣蟠穹蒼獨與俞校理咲語溫而莊心探群經奧目
短百氏墻折衷不求似各極其短長我時為諸生拱聽私自
慶融萬會于一掣鄙睹日光死生一濶別今幾四十霜我既
為飢驅東泛吳下航俞公有猶子吏事折豪芒讀書復讀律
才比百鍊鋼漕府多俊彥何異鴈鶩行秩滿陞帥府年勞躋
省郎功名晚亨奮自可上廟堂我忝里閭末看子青雲翔威
鳳一高舉應龍豈終藏送子歲年暮贈子金玉章

憫農一首送張德常吳令出郊勸農兼東國瑞公相

日行底天廓勸農正其時
土膏動穆條風吹渚花尚
自媚汀柳亦間垂中吳踰沃壤東作多遺黎首更太伯化民
俗恒熙一從干戈興殺虜令人悲草生鬪體眼竈絕菲茨
炊十室存二三燒劫偶見遺官租不少貸民力何由支張戾
尹吳縣冰蘖嚴矜持征科淚暗落且復鞭創痍茲當東作興
載耜循年規言告加勉勗心傷為嗟咨田老鋒鏑餘僅保骨
與皮猶復望歲豐迎拜携孤嫠茹芹敢望飽無力堪拖犁嚼
蝨恒苦腥飯牛惟苦飢戾為百里宰腹笥盛書詩民勞曷小
康民病曷小醫豨文諫周室千古有令儀咽餓啗兕肉何人

埋父屍民力苟不蘇天鑒亦不私上帝專主宰臣言諒非癡

鶴巢次張貞居韻

胎禽巢居迴每在林表松棟梁架青冥戶牖瞰碧峯欲睹仙
者馭每懷塵外蹤玉童坐吹笙娟娟好顏容時歸理其室護
以帟與龍茅簷瑤草香欲往路莫從星宮集群真霞光覆千
重解后十洲上仙聖應相逢

送友還鄉

墮地作男兒有用須及早當年懸弧意焉得鄉曲老青雲一
蹉跎鬢髮日已皓常恐歸去遲心焉怒如搗我家東吳城翠
竹森若葆力畊輸王稅妻子亦溫飽詩成每獨詠觴至或共

倒富貴將焉如歲晏聊自保蕭々風前柳質々霜下草有官
固當歸無官歸亦好

賦採香徑送吳縣張令陞佐嘉定州

泰伯常採藥深蹊入芳菲攀桂作帷帳紉蘭製裳衣坐令文
身俗悉從端委歸支胤後世君禮讓日漸違迷陽行棘足靡
蕪露沾衣三秀不改度齋房耀靈輝擷之薦瑤席神享民是
依

遊惠山寺

百里盡平壤茲山忽中蟠矜研得宏深迂徐納平寬僧坊隱
其腹崇構居桓々立神衛觚稜緣雲置闌干我來玄冬交榜

舟起微瀾天連黃沙白露委青林丹地無車馬塵松筠政堅
完蒼然後凋意彼此不厭看稍々陟其厓探源汲清寒恭惟
素苧翁出處良獨難帝青九萬里冥飛見脩翰空留雪泥跡
莫究清淨觀煮茗滌煩暑晏然有餘歡

山雪齋

山中太始雪玉光鬱嶺岫積之非歲月坐而閱暑寒純白既
不變空明諒非難懸氷松梢墮危石澗底蟠維時古真人頭
峩切雲冠閱世方內熱憂喜虧其完燕坐以觀復一念萬劫
寬問之何因耳咲指青琅玕

明月鏡

神工鑄明鏡持進嫦娥宮
嫦娥羞鑑容暮掛搏桑東
浮雲散天風照耀九海空
如何萬丈光瀉入詩仙
曾談玄走銀蟾落筆驚
彩虹掩却星斗文孤輝
天地中

上清金蓬頭道者

巍：龍虎山融結自太古
萬生虛靖君道獨繼祖
武真人生岩穴蕭然一環堵
蓬首目光炯燕坐閱衆父
爰契虛靖心天風檜杉舞

贈姚尊師

山中學仙侶鄉來髮皆玄
驚我頭白來忽已十七年
民物殊更變青山獨依然
館我太霞空酌以松根泉
非君慰幽獨空

齋難晏眠

贈江右哲上人

江右山水窟所產多才賢
溢為空門秀一一皆清妍
向時訢太中說法龍河壩
遂令吳下雪便叅老暉
禪晝飛楚畹墨夜發昇州
船文廟日有賜來自冥
天地蒸金銀氣海湧雲霞
鮮款艷谷崖動叅究
槌拂捐東歸住双栽戶
屨來後先光風流轉處
名滿越與燕哲也繼訢出
研坳侵雪肩芳叢依苔石
瘦竹穿磴泉神間妙盤礴
思入孤桐絃朝陽鳴孤鳳
秋空唳飢鳶想從聞思脩
六根互相宣聽者悉說喜
贈章動盈篇恨非昌黎伯
乃欲觀其顛要湏三摩地
契悟非言傳

馬氏雲山祖塋圖

孔子少也孤不知防墓地親殯五父衢問之鄰母氏嗟我雲
 山翁追遠心不置祖塋在陽岡距今已七世松楸寫新圖名
 筆為題識國史既特書錢史光相繼陳繹曾編脩嘗為賦詩
 楊廉夫因和韵故云
 睠茲河陽山白雲浩無際

山居圖

卑棲拙謀身曠望時縱目山氣曉亦佳燒痕晴自綠轆金板
 松屑解纓濯岩瀑幽懷良自怡誰云有延促
 惟是安僻境本非薄榮名松根聽泉坐溪邊看雲行夜雨下
 黃葉春風開紫荊物理有代謝古人誰獨生

凌波仙

迢々湘浦秋盈々洛川月鏡空離鸞舞天遠孤鴻滅木葉向
 人下瑶草帶愁折有懷無由寄琴心謬三疊

歲晚寄鄜尚德馬民立

玄冬夜何長白日寒苦短流光邁魯疾浮態怯齊緩畫沙勞
 纖錐窺天費幽管事靡有定形犬鼯馬生卵豈無酒消憂累
 觴弗能滿冒雪梅含英香露珠纂々西窓期同觀賡詠傾茗
 盃

竹夫人

墨台有湫媛不嫁歛眉嫵江南夏六月火玉金伏土于時媛

以潔空中不受暑携持枕簟間斷非戕斤斧况復不妬忌凉
薄善自處紗厨奉清懽通宵默無語君子加保抱安寢夢淨
侶各彈綠筠操就中節更苦嚴冷莫可犯編排其有序玲瓏
琢黃玉䟽通映朱戶舞榭洞八窓歌臺高百堵弗貽六宮憐
頓消汗如雨安知凉秋至君顏不復睹此時愁緒多恰同齊
紈素用舍良有時寧間今與古

聯句

學詩齋聯句有引

至正甲申蜡月望前二日句曲張外史天雨自義興道吳
還錢唐其老友某僑居吳中因宿外史于客棧時吳興郊


韶九成亦在焉予舊嘗喜與外史聯句是夜將為之而未
得題韶作而言曰生以學詩名齋示有志於溫柔敦厚之
教也倘二先生即是為題生幸多矣用一咲從其言詩將
終而予愜寒先就寢明旦外史亟歸且屬以足成之為之
補就吳人陸友善隸韶乞寫二紙一張于齋一寄外史云
明良賡歌基猗那奏鼓始清廟殊雖、祐赤舄固几、豈惟
緇衣賢雨政以朱襮美原鵠兄弟急祐河魴父母迹便施谷
中葛韶亦采體下菲詠桑表沃若雨歌萊賦樂只韶鮑潛蘇
公絕祐厲懷凡伯耻思鳴卷阿鳳雨願繪袞衣雉韶蔽以思
無邪母曰鼠有體雨言超授簡貢祐道在過庭鯉雨遂去文

辭害亦屏訓詁昧譎諫主風刺祐昌言發興比雅亡繼麟筆
韶和寘續巴里鎬罷魚在藻屈倡鳧汎水雨絙絃誰與奏補
 笙自難擬哀、河梁別祐堂、沛風起雨祠維悔心萌祐决
 虞壯圖已塞瓠恨弟鬱祐援桂慄藿靡便啼城上烏雨猶恨
 水中沘祐隆中抱膝想許下橫槊偉體要必中度祐葩正恚
 循理雨響當貧珠串祐輒始輳車軌韶清圓斲水苦雨穎脫
 扣鍾喜韶無敵白乃聖有作甫良史雨險如橫空盤突若破
 陣褫祐雕鏤百神困策役萬象靡雨爨桐聲玉明廟樂厭石
 齒揮毫既凌厲賦物斯湏委祐郊公學方篤吳歆好誠鄙雨
 蕭齋扁佳名華構落新址詩律妙歌造吏塵淨一洗瑰辭出

語穿遺經貯腹笥祐道在用服形神悟為洗髓雨不虧素王
 造信全幽人履腎胃苦搯擢物累困成毀直登陶韋與旁摩
 鮑謝壘燄凌天策燉古偕靈光歸請驗百世傳致慎一匱圮
 兩老皆苦心六義始盈耳挂一真萬漏祐聊以示吾子雨

僑吳集卷之一

書齋



書